
Таълимга эътибор. Хизмат машиналари топширилди

Вилоятимиздаги ҳар бир туман-шаҳар халқ таълими бўлимларида махсус таъмирлаш – эксплуатация хизмати ташкил этилди.

Халқ таълими вазирлиги томонидан ҳудудларда ушбу хизматлар фаолиятини самарали йўлга қўйиш мақсадида 36 та “Дамас” русумли автотранспорт воситалари ажратилди.

Замонавий хизмат машиналари калитларини вилоят ҳокими ўринбосари Илҳомжон Носиров тантанали топширди.

-Қувасой шаҳар ва Сўх тумани халқ таълими бўлимларига 1 дона, қолган барча туман-шаҳар халқ таълим бўлимларига 2 донадан тақдим қилинган автомашиналар янги ташкил этилган махсус таъмирлаш-эксплуатация хизмати вазифаларидан келиб чиқиб барча техник асбоб-ускуналар билан тўлиқ таъминланган, -дейди вилоят халқ таълими бошқармаси махсус таъмирлаш-эксплуатация хизмати бошлиғи Саҳобиддин Маҳкамов. -Эндиликда ҳудудлардаги барча умумий ўрта таълим муассасалари бино ва иншоотларида юзага келган техник муаммолар махсус таъмирлаш-эксплуатация хизмати томонидан тезкорлик билан бартараф этилади.

Дилнавоз ҚЎЛДОШЕВА.

2018-05-31 11:48:36